

復  
初  
齋  
詩  
集

復初齋詩集卷第二十三

大興 翁方綱 正

石蘭集

辛丑四月  
至五月

方綱蒙

聖恩擢國子司業石鼓蘭亭近在

宮墻下適以是月得見趙彝齋所藏落水定武本

文字之緣實厚幸焉敬以名集

初入太學用王新城先生韻

中天盛文治彝教覩崇深廿年陪齋祀屢珩松檜陰禮  
義萬仞墻金絲千載音津逮豈不廣編摩愧難任八年  
涯涘窺圖書窮古今益以夙夜矢共此髦士林會食及

退省何以副華簪菁莪識有儀桑椹知獻琛矧伊萃楨  
幹日久成球琳藤蔓高垂檐柳絲織盈襟西廂誦弦起  
琅然如玉琴

湯漱園以去年九月廿三日由江陵宰入

覲擢同知是日其初度也以詩索和

荆門霜樹渺煙沙姓字雲屏爛綺霞人喜迴車來芾蔭  
天留佳句補黃花秋江影識心如鑑玉茗香濃鬢未華

涿水團圞親串在爲君酣坐月初斜

適丁受堂表弟  
自滇來故及之

題陳章侯爲周樂園作覓句圖

落落石逕古泠泠煙露深枝策卽據梧文綸非鼓琴是  
汝杜德幾微聞天籟音白乎蓮之衣畫得蓮之心空光

初何有逝者渺難任風落復電轉摺疊數衣襟桃花馬上仙大笑墮冠簪風雷吼如晦聊試青藤陰

李約菴課畊艸堂圖

畫君課耕之山村日閱時鷄散柵豚畫君課耕之書屋時占困億歌輪輻龍湫之東石筍西芋魁檜木相高低夜聽鄰家應弦誦晨看穉子把鋤犁扁舟出峽之奇氣看山借笠圖猶未拄杖閒招隔浦雲浩歌一捲諸峯翠可恠余生醉寫真儻然別作幅巾身妙取神情不取似知君未是課耕人

石鼓歌

平生慨想韓蘇篇上台北斗光中天不知韓公何所歎

尚想少陵與謫仙賤子髭鬢早釋褐摩挲此已三十年  
熊熊但訝星墮地歷歷敢詡胸捫躔岐陽之蒐炳經傳  
韓歌何以稱周宣其字兼該二篆體其文儼並二雅編

王內史書師最早馬定國評語不傳異哉或疑周卽魏

昨秋我辨萬與全

近日萬季野全謝山皆祖馬定國後周之說竊嘗作文正之

前韓

洽後顧

絳

各逞臆反以古說爲拘牽後代儒生敢侮聖

何傷日月輪高懸朱十作者不識字誤信楊薛諸家箋  
滋陽牛氏作圖釋又執拓本訛相沿安得衆說出一貫  
西廊向曉聽誦弦因進諸生爲講解十鼓向背東西偏  
丁鼓獨方餘橈異初非一例如鼓圓己鼓作日字完好  
庚辛二鼓排倒顛圍六七尺高二尺參差濶狹非齊肩

深山大野氣磊落，渾金璞玉殊瑯鐫。河圖洛書聖人則，龜文馬背奇毛旋。鳳凰一羽麟一角，珠貝眩晃龍蜿蜒。古文奇字大小篆，凡將蒼頡相後先。今也一依許慎，惜僅留什百於九千。竊因許書考同異，壬鼓雋字殊不然。三十年中數字泐，愜山已歎歲月遷。後來剝蝕復何似，幸賴遮護深堂筵。吾嘗手摹舊墨本，角隴詳審斷與連。甲鼓角字下畫兩開，丙鼓隋字下从片女。其餘補正悉依石，非復著錄於從前。直以橫從準量鼎，更莫傳會援斤權。方今

聖人考文字，西清鑑古羅。丹鉛周器琳瑯出，內府殿庭寶氣陳。豆籩夫子從周，乃素志古光階。阨相接聯敬，濡練繒度欸識精神。萬古來篆烟一空，籀史金石史不

要鐵網珍珠船元氣淋漓在天地筆勢融結從山川古  
今第一寶刻在天下第一官墻邊循廊再拜三歎息槐  
影綠動苔花甌

國學蘭亭歌

廿年寤寐天師菴中山遺事故老談楊東里語亦疑似  
臨自松雪夫誰諳梅岑來濟亦云爾爭坐位石初同龕  
永樂中年鋤圃得四分斷若劍缺鐔行行位置都舛失  
豈合稷序馳交驂此序雖云定武樣界絲已爽銖兩三  
每行視定武真本  
矮至二分或三分孫藏瘦本政如此以配落水將毋慙  
孫叟又疑薛氏刻虛舟謂勝東陽堪孰爲薛法孰趙法  
各以丹素殊辛甘樂毅趙臨儻併案牡丹舒賦應同軌

吾謂定武此嫡嗣未許穎井有支參然終恨多嫵媚勢  
後學盡向鷗波探蘭亭古法該篆籀晉唐一脈元氣含  
惜哉石膚磨拭久弱縷細似眠春蠶我今水沃復手剔  
淡墨猶想真青藍石瑩如鏡潤如玉寶氣何啻初開函  
中鋒撮押語國子要以筆正爲指南橋門槐景卓亭午  
滿院風露來松栴

趙子固落水蘭亭卷

姜家四本皆定武黃跋盧藏久搢拄杜鵑猶作晉時紅  
十四橋頭管弦語放翁諸甥記無誤承議俞郎獨按譜  
三十六峯生玉壺雪餘光景留千古冬雨占晴又一時  
蘭竹王孫好門戶披溼歸來把卷笑昇山頃刻風掀鱗



性命可輕寶難棄八字烟飛誰復覩印留曲腳與壺蘆

首尾俞盧篆可數

前有盧宗邁印蕭氏印沈字印後有俞松印悅生壺蘆及長字印又俞字

印此帖之真當以此水漬况經松雪許卷中復有松雪

跋孫信何疑誰適主孫云柯藏同一石柯本非柯太莽

鹵又云陳藏搨微遜陳本非陳搨猶愈墨花滿面舊所

聞籠日輕雲誰與伍江邨銷夏重褊裝退翁消夏重結

侶貞觀春應似永和會稽石已兼虞褚古今集刻此祖

禍天下法書此規矩熙豐以前之楮墨諸老相識神飛

舞

是熙豐以前拓本亦姜跋中語

廿八行間幾往迴六百年後猶來聚

雲間篋又到虞山烟水江南修以阻晨來二麥送淺寒

喜甚雙槐占遇雨卷後佳紙待我跋奇絕彝齋勇重賈

我作彝齋弟四圖獨夢王孫遠  
延佇借臨十日豈偶然  
大笑巖灘月初吐何年買得砥  
硤枕千金續作偏傍估  
天師菴石恰手摩桑澤卿書  
要刪補蘇齋更起硯山齋  
直溯蘭亭追石鼓

自題臨本四首

便作齋名過所欣綠窗月樹點  
銀雲可憐九萬麻箋費  
始識袁生說粉紋粉紋見袁  
起巖跋

巾月晴窗得借臨時時想見  
夢歐心欲將化度邕僧石

畱取風神照古今

俞壽翁有  
夢歐堂

葑洲燈影裊幃屏橋畔花魂  
喚未醒天外三峯來小簇  
銀鈎相付眼俱青

坐臥何論食與眠永和花艸破春烟東風萌拆朦朧意  
渴夢江湖二十年

再題落水蘭亭卷四首

宋搨何須必假唐志甄保母漫相方賞心甫自摩圍老

始得摩挲趙卽姜

此本退谷所藏而退谷庚子銷夏記言宋搨乃此卷退谷跋云唐搨故因

搨石詩而辨之

區區柯本瘦肥間淨侶同時託買山自有碧湍明鏡在  
許誰眉燭照朱顏

退谷櫻桃比昔紅蔣堂揖翠幾春風午橋賓館人俱老

陳迹斜陽似夢中

此首專有感于搨石也

我因辨印始知真針芥從前得幾人倒薤元來皆篆法

蓬蓬萬古鏡空春

鄧辨香孝廉深柳讀書堂圖

鄧南城人家  
住金斗山

磬響書聲蒼玉琴碧峯如案水如襟鄉關金斗年年夢  
數得柳烟如許深

余少雲爲周篋谷畫秋林詩思圖

細翠濛濛淡不收瘦筇指點水源頭詩人寄託荒寒甚  
纔過端陽便寫秋

落水蘭亭響塌本币月成之歌以志喜

楊太尉孫二十時侍師日日看臨池山陰艸樹盡清發  
蘭渚上塚餘淪漪湘東王孫拜賜畢玉華宮上噓矚日  
趙葛湯馮對展來玲瓏交響虞戈筆秀氣沈霾六百年

雪後復雪增遠寒趙家王孫譜梅竹黃昏寫月憑欄干  
嘗畫東坡亦如此何人腕有羲之鬼欲摹小印篆彝齋  
每恨質題稱落水廿年魂夢在此紙一月籤厨不暇理  
却卷蘇公小像旁仍置彝齋畫圖底山陰春卽玉華春  
未許王孫獨傲人楷則誰曾論米芾正書豈假學劉珉  
融結流光晴又雨愁絕王孫奈何許古今同此圓鏡中  
得天居士叅禪語落水神情仿作圖碕岸側想摩尼珠  
願從捨筏得門始更想退筆尋師初

晨入太學雜詩八首

玉疎橋邊趁曉涼北門池上激初陽衣襟十里灩灩露  
盡是 恩波璧水光

頭或冠呦鹿萃帖經射策成第一獨難三試相合并  
聖人道法備聲振四庫謨典敷訓行士抱實學方特達  
所以期許尤不輕今春上苑萬花氣沐浴百寶含粹精  
玉衡桃耶紅雲杏桂林之桂瓊林瓊錯采鏤金一枝出  
玉堂天上香滿城天下學人合讚誦望其跼萼葉與莖  
是日賤子忝司業彝倫堂讌聽莞笙回思前秋涉江採  
紉襟敢詡爲國楨

聖日光華五雲照小臣不敢矜師生適逢橋門摩石鼓  
分得蔭翠連朱櫻錢郎東吳起寒素我詩竊比芝庭彭  
願勵丹誠矢葵向更茂萋葦諧和鳴此花雖是科名艸  
此根早向文字萌芝艸醴泉不世出鳳皇麒麟應瑞呈

直恐莒公沂公輩無此花賜詞垣賡鐫銘貯篋拜稽首  
佳日更酌錢郎觥

借得竹君所收化度碑臨翫旬月響揚成冊再  
次後村韻二首

殘珪斷璧列星行卅字森然已補亾落水蘭亭輕揚了  
又添一月爲君忙

二本邗江相輩行半槎迂伯孰存亾名花收得雙身在  
信有天緣了不忙

予本是朱迂伯家者此本  
是馬半槎家者皆揚州人

再題落水蘭亭二首

會稽片石自何年仍付流觴載酒船陌上花開重對面  
邢房舊話故依然

潮打西吳古樹根娟娟蘭渚怨王孫昇山風雨知何處

五百年前水蝕痕

不知老之將至將字右半水蝕

題鄒念橋祭酒竹溪新霽圖

昔聞六逸配七賢

唐人稱竹溪六逸

後來承旨推金源

党承旨號竹溪

人間合有墨君堂九龍山翠來晚颺山人寫竹卽真竹

一一照影臨流泉泉香竹液妙茶事松濤迸落明琅圓

先生詩畫本家法胸中竹趣皆孟端石門洞前俯九壩

白龍潭上看三山江月冥冥倚岸松風謾謾吹漪瀾

一條墨雲捲雨後百道瀉溜餘霞穿收來萬綠濃影合

只在半郭橫峯前所以齋名題惠麓烟嵐正到迴抱間

先生通籍廿五載此圖今又十八年年過五十髯猶綠



每話山色雙眉軒橋門古柏黛如沐六堂鐘鼓聽誦弦  
西廊槐雨散午霽語我夢落西神巔我慕君居久耳熟  
師門畫品甌香妍長松只說韋鷗少華生點筆猶翩翩  
竹青時接空露氣竹粉欲滴新苔斑一灣飛流漱甘冽  
半夜鄉語聞纏綿西窗隱映數峯在簾紋織水簾拖烟  
與君下直揩淨几碧雲澹寫斜陽天

自題臨化度寺碑縮本次桂未谷韻

渤海山陰法並收居然寸木絜岑樓巾箱目力營千載  
玉珮媒勞憶九秋帥嘗神光門邢尹合離風雨對羅浮  
欲憑桂四馳緘訊堂記俞家號夢歐

辛鼓歌

辛鼓舊云無一字施存十四薛十三彼走驕驕馬薦暫  
雉立其一之微諳心歟止歟錄則異曰啟曰放疑相參  
竹房子執甲秀譜五行五字侃侃談有元拓本吾及見  
此鼓泐處無從探團團雲霾蝕寶鏡翳翳萍絮吞圓潭  
昨者再拜戟門下萬一撥霧披煙嵐不敢比擬禱衡岳  
或覲一角開微嶼水洗手量日三四星朏月朏迴蔚藍  
有如車工甲鼓首橫從隱隱侈不弁今晨忽得顧摹本  
硯璞儼啓宣和龕硯山先生直內殿蘭亭筆法馳江南  
子孫協相銘厥背商鐘周鼓文交驂四旁以周面背腹  
一泓似蔭槐柏枏此文宛然在池右此鼓恰對開裝函  
辛鼓首微露工字之上定應上盟施武子何止俯正楊  
半上海顧氏摹本正同

升菴近者繪圖朱與許過信薛本紛謫謫更援說文與

禮注二十七字徒多貪

陶滋楊慎本所錄辛鼓多至二十七字

三代以前

之法物一點一畫皆足就卽以鼎鬲文合籀何異雲鳥  
官稽郟半字之真多反恥諸家沿誤吾何慙楮輕墨淡  
試長畫記聽槐雨聲春蠶周旋橋門兩巾月不虛昕夕  
驅驂驪作歌爲續道園錄廣微儻補笙詩堪

謝文節橋亭卜卦研歌

雪樓蒞閩凡七年舊日封章憶集賢垂簾賣卜蹟依舊  
亭空人去重潜然唐石山邊轉茶坂躡履披麻神未遠  
褒闡遺民事偶然摩挲片石來何晚侍郎不稱稱提刑  
信州不居居橋亭梅花莫說武夷礪雙刀猶想團湖坪

米履何求朝復夕對水看山翫周易十三卦象知奈何

公有謝氏易說以十三卦取象

八百國兵非爾敵得仁更不食山薇

泉遺語深人悲試取義父證書序直以孤竹存商畿

見

山集和古意詩自注

雪樓之銘憶此否此石終爲侍郎有誰云填

海託精衛誤認支機指星斗倚天燭地炯炯光雲映玉

液閱滄桑請謚請祠韓御史斯疏斯銘謝侍郎西江祠

並建陽祠嗚咽千秋流水知遺蹟誰尋憫忠寺燈昏忍

讀曹娥碑

### 蔣清容打鐘掃地圖

香煙一縷何處起先生已號離垢矣念念塵塵自擾之  
處處吉祥能止止詞客晚來多妙教綺語平生要澗洗

清涼行者願果無大牛篋子知誰是誰復收爾來供役  
聒耳喧煩鬧不已燈光一夕照無寐井華又轉銀餅水  
昨圖維摩云示疾此義太倉一稊米請守華池調玉液  
且下疎簾措淨几尚厭松風作鼓吹何用禪榻相料理  
道人漫打五更鐘驚破先生春睡美

宣城北樓歌寄蘊山

謝公高齋登望處千年遠岫開秋曙碧海青天納一窗  
鏡裏雲光飛不去錦袍仙人萬古愁對酒酣歌卽此樓  
尚有淋漓醉艸在化作古柏騰蛟虬懷謝亭邊鬱奇思  
對結枇杷軒晚翠澄江誰寫疊嶂圖北望猶傳二樓志  
二樓小志郡人程借柳輟蓉江小謝今代才登樓縱目重徘徊宛溪

響蒼簾前合柏規嵐陰檻外迴爾家故事留蓬萊沈約  
范雲安在哉長風吹雨洗綠苔坐呼窗月流金杯精靈  
呼吸儻可接爲我招揖青蓮來

童子誤以壬鼓新拓十三行者爲全幅軸于壁  
間漫題二首

嘉樹詩成避道平鑾車當日叶和鳴誤援許慎爲箋注  
恐是濡縉未合并施武子云嘉是說文喜字章氏因謂  
者恐當日所見已是喜樹字未必相連壹似未見此拓文  
闕前數行之本耳

牛褚圖兼著錄家濟碑急寫放鴈沙多慙待補張昭手

先擷三元上苑花牛空山金石圖鄭尉氏碑放鴈沙之  
前竟失一行蓋亦因碑裏近牆難施

撮工而遂失之與此鼓正同也予有  
補正張力巨濟州學碑釋文一卷

復初齋詩集卷第二十四

大興 翁方綱 正三

枝軒集

辛丑閏五月  
至壬寅三月

閏月二日拜司經局洗馬之

命五日到詹事解自辛巳到中允任於今廿年矣爰以  
王青羊書石之字自名詩卷以紀之

題詹事解

端範堂陰綠未移河隄重到廿年遲祠隅逕曲瞻新葺  
齋所簷深護舊碑坐序春坊前輩少欄迴午影宿禽知  
只應拈配橋門集隸扁寬安借一枝

堂後一枝軒三字  
石刻五百數八分

書前歲新出土  
予所向未見者

宋劉忠肅衡州石鼓山題名爲江秋史編修題

劉擊莘老求游政蹟侍右傳刻云後百八十三  
年六世孫震孫榮恩來持奠節拂拭舊題不任  
感愴寶祐二  
年秋九月旦

衡州鄭州楊與劉當時並號知春秋楊書我聞浚儀子

楊繪春秋辨要  
十卷見玉海劉也獨無隻字留千秋風霆一筆削須

此奮袖森戈矛每誦青苗十害疏紙上陰溼神鬼愁如  
斯筆墨挾元氣何物厓石供鑿鏤所背權奸向君父獨  
學凜凜隨人羞歸乎紅亭峙山洞筆力端勁含和柔可  
人了不見喜愠屈子未免傷離憂回首年時撥春幾歸  
耕軟語心悠悠江湖天遠莽四顧霜露歲晚歸何由想  
當臨風跂蹈語後有來者增感不君家世德不可竟跂



也學易還闢幽淋漓重想伏闕奏南渡逝景嗟如流鵲  
紅啼罷山竹裂唾點綠散雲濤收我聞朔齋工大字數  
行妙取輕而道使字艸隸勢正爾榕根尚憶募藥洲五  
嶺東西宋賢蹟遷謫天若遴其尤吾所囊裝幅逾百祖  
孫一石乃罕儔二十年前好兄弟詞場嗜古稱江侯松  
蔗今午又逢閏重午舊友聚散如萍浮江郎昔題甫髻  
畦亂今已天祿同校讐松泉逝矣蔗畦在八分千里交贈  
投人生樂有佳子弟筆耕可抵良田疇惜無三遊洞中  
字字說曾比輪輻斡一代興亾在片紙二水閱客如傳  
郵祇供元人品書品家法奕奕垂銀鈎

聶松岩篆詩品歌報曉嵐閣學作

三橋文派何與梁世說語變鑄齋堂文家早有楚詞句

衡山有惟庚寅吾以降印事詞相稱初何傷唐律變騷

在雪漁世說句印之前騷變古豈必盡泥秦漢章爰極丹青本瑩玉寧以勸諷

嗤班揚長山聶君方寸鐵花乳穿穴千琳琅懷奇日遊

長安市胸中突兀星斗芒紫雲堂前揖紀四大笑君獨

容我狂磊磊古意莫名狀一寓于石摩青蒼王官谷口

有妙語鐘嶸而後罕輩行每拈一語歷一境爲第八體

馳三倉配合亦用品詩法淡濃位置陰含陽句中有句

任拈取味外之味供奉藏司空肖物不擇物因境而付

隨評量聶君用石不擇石因棄而取耐久長我不善書

強塗乙作詩又不諧官商無端此篆忽贈我亦若頑石

來錦囊珠圓玉卓二百顆詩文書畫俱相當豈如他家

篆滿幅全則相貫離則妨我齋詩境印詩品詩境字出

陸與方

方信孺刻  
放翁書

昨者紀四得陸句

君得放翁遺詩  
數篇以見貽

中

宵起讀神仿俚詩品印又出君贈論詩君儻相扶將想  
君與我丹篆夢聶君拊掌必在殉天下寂寥冷淡事有  
人寢食代爲忙作歌報謝併銘櫝簷前綠雨飛青棠

予揭定武落水卷題其櫝曰蘭盟武林潘厚夫

作蘭一枝于上題二詩

得氣豐之與嶠之可憐越女不同時王孫自夢湘江雨  
明月黃昏伴竹枝

小齋詩境太清寒珠露濃濃翠作團香入空濛無覓處

玉琴流響起飛湍

題裕軒蔬遠亭二首

一百弓閒地心營十五年架分疎蔓引亭似小池圓  
逶迤收新雨綠坡響暗泉先秋風露氣飽客翠娟娟

記題漫圃字摘實到開花暑雨過青苴涼雲臥紫茄盈  
筐能致薤區種更收瓜每補齊民術松芝學士家

題顧汝和摹石鼓研

背云東海顧從義摹勒上石

顧生生長吳淞水豈見岐原譔刻時一片衡峯圓石樣  
天然東海古鼉皮

子響揚趙子固落水蘭亭卷瘦同爲題性命可  
輕至寶難得八字於首賦此報之

君譜收藏家流傳仿年表嘉泰到於今闕佚誰盡曉記  
憶十八人銘心各爲寶獨以落水傳奇絕王孫趙卷首  
八字題字大萬物小獨立空江中意想雲霞矯爾來五  
百年幽趣復誰紹退谷江邨輩得失爭膠擾豈不遇所  
欣抑豈疎於考子固八驪珠飛空去縹緲尚帶江水溼  
影落東吳沼東吳兩張家清秘互研討一張匣此帖過  
眼疾雲鳥一張癡此字神龍露鱗爪此帖盟將合此字  
緣未了深知右軍意不戀舊贖禿而在吾絹本動影活  
鼻窈君豈子固歟背臨若天造我畫彝齋圖蘭竹初脫  
稿大笑嚴灘舟仙子凌波渺延平已合躔缸面更設醪  
蘭紙之精神餽鏡拭重皎君家記事珠暗投計太巧迴

視退谷本如月墮空杳

瘦同以論定武蘭亭絕句屬予同賦因作此四  
首專論落水本也

千巖孫晤雪城時肥者流傳瘦孰知斗米量來中舍本  
研山位置太差池

退谷所藏瘦本非  
蕭趙所云瘦本

雪寒何悟暑何疑三跋無端忽合離只憶印文追內史

鷹揚九奏鳳來儀

卷後有鷹揚周郊鳳儀虞  
廷二印暗寓姜夔二字

後至元稱博士柯避兵條到白南和寡黎跋闕年三百  
文董諸公奈若何

欲證歐虞何處是水昏中有至精存范雍家石依稀認  
得共方流韞玉論

星橋至都樓亭南返同人集魚門寓齋同用橋

亭字二首

吳門三載夢歸燒苑路新秋  
蜨粉飄遊蹟還能談北郭  
詩名豈止接東橋薇垣露翠初深  
裊芸館燈紅記共挑  
又到懷人殘醉處  
午陰欄角雨瀟瀟

四門官舍鼓鐘聽十載邗江醉夢醒  
二隱洞連中隱綠  
南譙山接北譙青  
借君禪智添詩話爲我琅邪訪刻銘  
幾箇同年老兄弟勞懷記倚醉翁亭

樓亭與予同舉丁卯湖試

哭竹君五首

三持使節出江閩侍從清華廿八春  
典籍搜羅逾萬卷  
門墻著錄到千人  
韓歌氣共遺經抱許說拈來訓故新

他日誰知箋集韻雙眸炯炯富精神

君嘗作一書專考集韻或體來處甚

詳迨未成稿

脊令原上浩歌時對雨聯床感別離朋友論文爲性命  
生平至樂在墮篋椒花幾歲同傾竚常棣諸郎定廢詩  
勤讀父書思手澤蘭階行又茂荆枝

聖恩再荷入詞林報國文章共此心幸託婚姻聯梓  
里人言臭味比苔岑六書慙愧名相擬千載精微勗獨  
深弱息有齋如我女不堪回憶淚盈襟

從今直要信浮屠莫漫筵筭問大巫兜率神山窮髣髴  
幔亭黃海竟模糊憑誰散髮騎鯨鯨認真箇生天作佛乎  
香氣塞空雲遶戶靈音天籟滿笙竽



吟舫寒嶠望不來畫師矯首涕徘徊神傷廿載紅燈話  
笑指諸生絳帳開何不寫真隨太乙俄焉飛佩下蓬萊  
青蓮玉局肩相亞萬頃波濤酒一杯

金薌濤小像二首

午榻茶烟未是禪酒闌歌罷月當天太湖三萬六千頃  
夢裏拈來一鏡圓

詞場積玉感山農丁子闌邊瘦影逢又話星郎花底別  
廿年記倚寺樓鐘

再題陳文莊詩艸墨迹卷次辛奮韻二首

四百年遺墨江湖魏闕情吳淞春雨足柳海暮雲生紙  
尚霑貽澤軒猶號閱耕扁舟樵唱外時聽浩歌聲陳氏

名軒

耳孫來翰苑述祖感中情遺直看前輩餘風激後生人間讀書種夜半課心耕幾箇瀛洲侶廉頑可繼聲

邢子愿畫石卷

自題云高麗紙悉出繭絲所成故特見絲厚子蕭之甚富暇時

愛蘇公拳石卽於此某繪之命侍兒易錢補繼縷衣可當一故事

衣敝還將繭補乎雲山破衲水苔膚杜陵爲掃鷺溪絹

却費天吳紫鳳圖

翻用周紫芝詩意也

程直齋望雲圖

千秋多少望雲人各抱勤劬不爲身裊裊風驚飄絮線蓬蓬影慣照車輪可憐夢境兼詩思不是山巔卽水濱莫上高樓輕把酒月寒霜倚瘦精神

味辛舍人以其高祖恭毅中丞世德詩冊屬題

三首

錢唐項上舍洵集  
松雪書于文作

琴鶴家聲舊騁波妙蹟傳楚江風峭激浙水日潺湲百  
世砥頑懦當時被管絃冰心鐵面語如許韻娟娟

國史存青簡傳家到舍人儒林兼吏治直道遇昌辰

慷慨今重讀蒼茫尚有神始知經術貴元不爲謀身

婦女兒童識青天皎日心孤根發蘭澤吹律動棠陰誰  
果囊中筆無慙影對衾松風吐真氣猶作鳳鸞音

閔正齋白蓼圖

叢蓼紅變白淡然本性留深紅抱其根不假顏色酬天  
憐孝子心夕膳復晨羞落落忘飢劬亭亭感清幽微誠

報三春苦節耐九秋荼苦竟何爲竹節良可儔冷香隨  
風雨日夕夢汀洲歸歟湖塘上擷實霜華抽北堂鄂韡  
韡南陔艸油油窅然僧窗月墮爾江漢舟

爲清容題其鄉人青琅玕館圖

蔣公記說何吳蹟

宋何異元吳潛皆崇仁人

我所思兮天藻亭題扁

不須書小隱纂言還自補遺經秋風遶砌寒泉滴夜月  
何年碎佩聽一盞書燈四山籟隔簾玉氣爲誰青

次韻心餘魚門崇效寺訪菊之作

霜鐘起城闌響接隣居寺

子居與法源寺隣

人情向新植按譜

品以次老圃淡秋容本性謝姿媚砌喧寒蛩語檻掠昏  
鴉翅村坊三五家蕭瑟借點綴所以二詩老締此深秋

意從來插頭花不開炙手地二公詩亦爾百籟靜如閤

朴老畫精神

寺有智朴紅杏青松卷

孟津書縱肆

靜觀堂扁王覺斯書

都與

菊周旋非惟墨遊戲第以淡交論已恐涉思議明晨僧  
厨約雨後山果墜雖煩茶瓜句幸勿園丁累霜意橫空  
庭井華添瓶簪意併不在花忘筌况設餌漫贖陶令詩  
更補伽藍記

### 崇效寺看菊

百盆信早逗春前三徑寒初報閏年冒雨客來開未晚  
凌霜詩得氣之先濃收後圃生晴照淡掃西峯淨午煙  
不許墨花分影去窗光畱襯月娟娟

謝東君戶部畫菊一枝

### 宋文信國像

朱鳥魂何處厓山淚滿襟軸來燕市賣影靜巔江深袍

笏初瞻拜風霜忽斂陰  
寒星貫斗温粹玉兼金  
方寸

丹如在雙瞳炯至今乾坤需柱石嶺嶠湯嶇欵著作山

堂語浮邱道士吟

信國自號浮邱道人

紫雲高不下正氣莽難侵

當日曾占相無能識用心登庸雖並兆末坐竟誰任

文山初中第一相者潛至朝堂瞰歸語人曰在某處立者乃留夢炎末

者貌大貴在未坐年少貌靈凶某處立者乃留夢炎末坐即文山也 慟絕王炎午題傳許有壬子房雪恥恨諸葛鞠

躬枕至元已卯許有壬讚公 異代青編接長洲碧血淋

天啟元年五月周忠介題 墨花來冉冉鐵骨對森森  
俎豆宗支續祠

堂馨莞音流傳必忠孝容易副纓簪竹石酸風裂僧窗

冷月沈千秋神往地半夜手題琴敬擬郵書寄同將醋

酒斟公平倦鄉里髣髴一來臨

前年曾得公題青原寺詩琴拓本今將託吉水

姚侍講致此軸奉公里祠云

化度寺碑馬半槎本予借臨三月而竹君逝矣

還諸其嗣君而疊韻題于臨本後

買紅阿巽謝家行匠斲何曾到質亾斷影熒熒仍寶氣  
靜看不似借臨忙

重陽後二日集習菴官允新寓槐雲吟舫二首  
虛舟果擬筏窗開相喚鄰家近撥醅視我堂坳真一芥  
對君簷額有雙槐誰收鄴下詩名早獨仿雲西畫稿來  
廿載酒人今幾箇竹陰留取綠方苔

堂名錫壽記傳聞菊借深杯勸客醺此夕團圍追舊雨

當年唱和並橫雲

屋為王文恭舊第

五車皮閣芸香亞三館紬

籤燭影分喜共一枝栖託好鳳巢肩比得同羣

詹事府有玉百

穀題一枝軒字

吳越錢氏所造金塗塔予向見拓本已有詩矣

今趙味辛舍人得此塔版携來予齋約諸公賦

詩復作此篇

乙卯歲造錢王倣造者忠懿非武肅釋子憨山亦云爾

舍利三分分八斛佛書偶然證書史不獨宏明佐阮錄

月光割耳復投厓四面文旋記常熟方泉不訛竹垞訛

姜夔未許周篋續一月千川句特奇竟爾拈來印川屋

予向馳此有一月印千川之句今適逢舍人字印川也

采山灑采兩老人不獲追



陪共燈燭是年顯德奉周朔實食加封備藩服四百八

十劫之餘八萬四千鏤不足

是年五月檢杭州寺院存者四百八十

一花

一葉相輪影千古萬古西湖淥山川錦繡是何王繞宅  
絲繩下天竺銷金鍋子未鼎沸寶座銅容儼犀玉一片  
涼雲墮不飛寸寸蓮花合成幅閱幾何年又一枚揩摩  
什襲銘之櫝筆牀相間同弔古料量日影葩紋蹙偃櫛  
誰能作瓦名陰款屢拭填金讀不是江南山雨時瓦盆  
且選精籃菊

蔣檢亭明府梧竹清宵圖三首

月明蒲褐響華鯨篩影蕭蕭畫不成猶有夜涼清夢在  
隔牆甘載讀書聲

竹梧玉立影相參每宿禪房話述盦今夕石牀疎雨過  
盡將情思寫江南

第二圖看道氣真月圓影瘦更精神春風化國彈琴手  
秋夕閑階覓句人

題倪文正四十小像

千巖萬壑在襟鳥正是衣雲眺望時凝目而思爲何事  
山陰陳迹少人知

赴密雲迎

駕道中作

廿載鐘聲記麗譙一鞭山影落河橋詩催紅葉林邊峭  
馬放黃花塞外驕舊侶鄒枚聯轡少新來驛候喜程遙

秋光北拱雲霄切已覺灤河氣湧潮

宿懷柔縣

土潤庠奚接兼程始歇鞍好山如善抱老柳不知寒氣  
近冬溫律風高古白檀金滿東北去泉響萬花瀾

密雲城北晚望

東北沙岡轉遙山起伏同白河迴折外石匣遠煙中綠  
暗殘雲照黃疎落葉風依稀五六里一塔夕陽紅

行牛欄山下用查初白韻二首

三日山凹度兩城西南沙礫就微平却隨輾轉彎環出  
不是崎嶇聲確聲

離宮樹影半年遠却帶

行驪喜色歸一路山泉挾雲氣塞花飛點侍臣衣

九柏圖歌爲楊西河進士賦

我聞九柏之勝傳陽湖烏目山人爲作圖學使歸來手  
植樹絕異湖中千木奴江上時來品書畫石臺作頌懷  
枌榆諸公賡和祝孫子角弓封殖環吾廬密雲令君復  
憇此清風對拂蒼髯鬚爾來百年勿剪伐濃陰六世周  
庭除楊郎早歲材魁梧廟堂棟幹生菰蘆一日摩空噪  
詞賦千言紙貴傳京都連年拾芥取科第朝陽百尺爭  
扶疎况復至樂聞庭趨青銅柯滿春暉娛香葉農來擇  
巢鳳長林暮接反哺烏請看蘭陔色怡愉他年棠陰濟  
時須九老人今鄰不孤香山故事留東吳百年人家有

此乎借問烏目之圖有此無何似當年賦遂初

張涵齋侍講拓贈宣城三天洞唐宋題名賦謝  
我聞此題故人說故人既逝今見之知君與我共感歎  
何事贈此贈予悲稽亭山湖古仙蹟三天洞擅宣州奇  
建平廣德路東首星軺信宿曾留題水巖中空響自激  
風穴吐納襟誰披寺碑莫考治平刻開皇猶說智琬師  
青蓮吟處想逸氣象之錄外何人知大中初變會昌政  
江關驛騎云誰思正書頗近虞褚薛監軍時領宣歙池  
宣歙池等州監軍使蘇道涼  
大中元年口月廿七日遊唐代崖書訪楚粵數行僅  
得於浯溪羽皇到難久已泐碧瀾峽口秋雲低似我徘徊  
剔薛處此洞髣髴靈音馳兩題晦日皆九月宛然今

醉黃花時惜哉圖經不可識戊寅之歲猶然疑

隆口戊寅九月

一題莫辨何代

朱則亾矣謝又去稽亭石墨誰與稽法源鐘聲

夕梵起簾鉤半掩斜峯西

題朱蒼湄舍人山行秋興圖卽送其省親歸歙

三首

健筆凌徐庾軒軒出紫薇馬隨紅葉去心共白雲飛  
佩澄秋水詩囊澹落暉四山相響苔滴翠滿征衣

好山看不盡日日盪奇骨歸策三三逕重尋六六峰  
香臺問丹鼎天海倚雲松却俯前來處蒼茫但晚鐘

記拜蘇齋像前來臘雪時重期竺道士頓悟永禪師  
石室花消息金徽鳳羽儀蓬萊蕊珠樹相待最高枝

蒼湄海市圖用蘇韻

道人胸中萬象空樓臺變現彈指中前年登岱望東海  
銀闕湧出蓬萊宮冥濛畫手欲追捉縹緲蜃結難爲工  
杳如杜陵對王宰但訝雲氣隨飛龍君從東來到京闕  
我齋共拜東坡翁玉堂東望際金碧筆端變恠爭英雄  
蟠桃枝柯日夜長菖蒲連絡不可窮去年十二月十九日予於蘇齋集同人作東坡生日蒼湄携石苜蒲一盆爲供幾日相期起冬蟄隔年又欲回春  
融寸縑淡墨可千里重詣坡像醉一鍾夢詩何減蔡忠  
惠辦香共擬曾南豐我亦蓬萊扁小閣石經隸仿谷口  
銅送君黃海復東去片帆一鼓東南風

璿璣織錦圖歌

彼姝盈盈測天咫四七周羅躔一紙五色相宣誰識之  
千古英靈蘇蕙子中央不動筦星辰四正四維環表裏  
手摻莫認雲錦裳淚痕總是銀河水怨女悲吟古有之  
箇異九矛鑿鐔詩錦繡肝腸能到此坎離變幻等情癡  
機杼團圍花對葉鳳鸞宛轉樹交枝漢水秦川千里去  
繡窠香篆寸心知圖中有詞詞有誓怨恨分明恩與義  
上援媯汭下河洲獨秉忠貞叶仁智耿耿仍期以勗諸  
區區豈僅相思字一緒迴環往復如萬有人間合離事  
三千七百不謂多更無盡藏沙恒河畫家烘染釋子偈  
幽栖室後亭鷗波我補朱家四小篆寶蘇不獨因東坡  
循之無端畫何執如此蜀浣千絲何



寄懷弓父學士同魚門作

今代著錄家屈指東西浙黃萬毛朱胡斷斷不同轍近  
數勞與桑緒自楊園結訓故與校管二者功孰切不肯  
事空言徃復如平讞釐彼百家案申之兩端竭嗜學如  
先生卅載杖藜熬頗嗤玉川子東閣太孤絕嘗考杜諤  
書不止啖趙列杜氏春秋會義載虛全語後人求薪火前輩贖金屑  
聞有須友軒尚論啓扇鑄百川星源貫萬古電光閱家  
居艸成帶行篋蒲仍截西來太行道復記燕都別舊雨  
日以疎寒飈又行颶春筵丁桂劉相憶肝腸熱桂劉還  
山久丁也裘縫裂先生寄金來邀往脯囊挈此行忽不  
果苦語悲幽咽世間孰真樂奉養職無缺旣展汲古歡

又遂得朋悅造物肯輕畀精華盡汝泄三歎對來使欲  
罄慙筆舌西望晉祠水碧玉春冰潔恨不鈔胥充時得  
削柑竊簾鈎捲暮雲却照太行雪

長椿寺滲金塔歌

寺是明李后爲水齋和尚造  
有碑云賜紫衣水齋禪師傳

萬曆戊午提督臨清縣兼理關廩工部營繕  
司郎中米萬鍾撰并書退菴老人孫承澤題後

摩挲銅綠三十年旛影依舊斜陽懸寺僧寥落冷于客  
指點碑字追米顛此塔當時因寺建一丈五尺輪光圓  
三宮兩庫錦千襲雲垂茁聳披青蓮伏牛僧來但水飲  
工部郎筆初珉鐫退翁題後感二老已三十載叅畫禪  
水師名署賜衣紫水部職領臨清縣塔無月日碑戊午  
後先鉅萬輸金錢花紋缺儲寶蓋剝滲金尚爾熒熒然

繡屏雙開依塔立凍雲半捲昏鴉旋退翁小字又已泐  
祇供熏陸看篆煙畫成街西舊遊卷慈恩湯擬高岑篇

飯裕軒先生漫圃次韻二首

菴菴楮葉集霜華未許三年巧匠誇

先生所寄薛荔葉  
予皆裝成小冊

收取短章多代東春秔炊玉傲鄰家

新餉園蔬大倍瓜

慕堂所饋

肯容安肅野菘誇猶嫌看雪非

郊外一抹山光似釣家

心餘穀人瘦同同日移居三首

霜風中酒說南州略記藏園面勢幽每到張家詠瀟皖

今來蔣逕和羊求鏡湖夢遶闌干曲簾舫香飛杜若洲

得似西峯嵐翠否爲誰紅袖倚高樓

心餘新居爲桐城  
張樊川祭酒舊寓

有樓  
三楹

寄園因寄定何緣村號三家二十年

趙氏寄園

址庚辰辛巳問子與諸

桐嶼王述巷比鄰居此時有三家邨之目

髯字屏風無處所聽鐘門巷故依然君能苔竹追前諾誰可茶甌共夢烟柳巷試招張侍

講還來畫壁憶蘭泉

教人新居卽張涵齋侍講舊居其先王述巷居之教人齋名夢烟坊

來札千金說買鄰叨陪秘閣意尤親醞酬水乳非關醉

石墨琳琅似不貧古瓦早盟聯榻訊記珠儻照隔牆人

西窗剪燭如堪畫恰有柴門月色新

瘦同新居與子對門漢瓦記珠皆瘦

同書室扁也

題王竹所西山紀遊卷三首

咫尺嵐飛滴硯屏小樓肯受碧雲肩摩挲今夕挑燈眼

咫尺嵐飛滴硯屏小樓肯受碧雲肩摩挲今夕挑燈眼

咫尺嵐飛滴硯屏小樓肯受碧雲肩摩挲今夕挑燈眼

咫尺嵐飛滴硯屏小樓肯受碧雲肩摩挲今夕挑燈眼

猶是諸峯未了青

北地常時種竹難城中未易倚蒼寒記憑潭柘僧相問  
乞與玲瓏玉數竿

釣臺每佇邵西邨雪後煙光但目存  
斬槐閉門成底事  
裕軒笑對慕堂論

兩公屢來約而未能往故云爾

蔣清容爲其友人乞題小照二詩

捲起紗窗曉岸風柳絲殘月挂籬東  
分明點破詩家秘  
布穀翻一語中

聽讀問耕

萬壑濤奔何處停層層飛瀑遠迴汀  
是觀是聽君須辨  
篆起爐烟一縷青

撫松觀泉

賀魚門生子二首

賀雪歸來繡祿香快聞老友得熊祥懸弧燕寢先稱祝  
綵線葭灰正履長暖入客吟春冉冉喜添兄讀韻琅琅  
白鬚撚對紅燈影索笑梅花進一觴

湯餅筵開訂臘前鳳城樂事數新年官廚且辦三升酒  
江部須謀二頃田遶膝斑斕迎客拜等身著述有人傳  
案頭瑤球何煩卜試聽啼聲已朗然

魚門精  
術家言

慕堂素人林汲幼植同集裕軒學士漫圖送吾

山侍御假歸淮南二首

日日來遊煮筍蒲更添客作送行圖詩題橫卷連蔬圃  
夢遶歸帆卽勺湖蘆北試分區種潤淮南漫說小山孤  
百弓隙地如堪買相約爲隣有意無

瘦竹疎籬稱主賓，雪餘笏擁玉嶙峋。  
客期江柳招要近，我識盆梅臭味真。  
坐共蒲團堪永日，窗開艸閣最先春。  
知君欲別依依處，幾疊西峯對故人。

題吾山歸航圖二首

一幅生綃寫故林，果然聽雨對淮岑。  
二千里外馳緘意，十五年來悵望心。  
插架圖書衰散帙，連床兄弟話分襟。  
春空渺渺飛帆影，預報寒梅信已深。

先人遺澤繫人思，不獨松楸感歲時。  
胡子經傳齋舍訓，范家法守義田碑。  
一椽容易三春別，兩世重聞二阮推。  
圖是令弟繪寄轉瞬又看帆北挂，暮雲如畫柳如絲。

送味辛歸常州得辛字

君家世德載 絲綸祖道留詩  
登縉紳清獻宦來裝更  
薄東坡居處墨猶新古香  
暮揭籤爭甲冷淡知交語  
帶辛雪後寒梅培護在燭  
花肝膽照輪囷

北魏王遠石門銘在褒斜谷極難拓錢獻之寶藏一本云儻以一詩來可寄贈也爲賦此

漢永平到魏永平四百四十有六載邵君開鑿繼者誰  
秦山羊氏功無怠撫綏綽有叔子風左按之謀賈生採  
木牛輸欲追葛亮梁河勞不殊元凱太原王君寶典籤  
梁秦新附推賢宰二年己丑朔己卯溯惟正始元初改  
劔閣西來控襄漢天狗下嗥誰功罪史家終作酷吏論  
石師爲滌岩泉灌錢郎書來讚書格石勢斜長叅隸楷



風雨消磨絕棧高誰挽髮藤攀石礪嚴公昨寄鄙君刻  
氣俯漢碑相什倍篆秋主人杜德機知我鮑桓默相待  
我正晏麥泰和釋更想巴官鐵盆在夢遶缸梁蹴石牛  
高掌螺旋問章亥

元日詔菴送水仙花賦謝

以下壬寅

輕陰亭午得新晴已被詩家泥句成米老焚香懷友帖  
涪翁一笑大江橫窗明竹瘦金釵影簷墮永敲玉柱聲  
渾稱梅花標格在水沈薰透著簾旌

曝書亭所藏曹全碑卽竹垞壬子所跋者跋已  
割去桐鄉金君寄以見贈爲賦三詩

楮墨微昏畫未穿

謂武王秉乾句

已嗟蠶蠟百年前慈仁廟市

霜紅下諸老相看一駭然

莘里邨邊水磧頭戟門苔綠汗來牛如何漫許金陵客

轉瞬重鏤灌木樓

鄭汝器臨本在竹  
宅得此本之明年

桂四聯牀又隔春去年橐儉未遊秦商量漢隸臞翁品

那是林宗折角巾

朱竹垞八分如效折角巾聊  
復爾爾曲阜桂米谷語也

江寧周夢谿秀才以其十二世祖翠渠先生海

天空濶四字石本裝卷屬題二首

衡州詩句幾人傳孔李通家二百年

方綱十世祖襄敏  
公由少司空改官

方伯先生有詩云衡州事業南山近  
工部聲名北斗齊蓋其中年作也

自有胸中碧潭月

渠集我嘗夢到翠湖蓮遺編澹對來風雨奇氣橫空接

海天然否江門參轉語溪流綠遶水蘭船

鍾阜壺山豈異鄉，海天空濶遂名堂。沿洄沖祐神如在，  
浩渺龍門路正望。枕袋卷與先生書曰：門武夷事業安在。萬里圖仍寫江  
介夢谿尊人慢亭所作，千秋蹟尚溯莆陽。參同亦是朱門語，茅筆  
何須更較量。

林汲山房圖二首

因山竝寺託幽居，對畫看山十載餘。清梵雲中出鐘磬，  
浩歌風外答樵漁。芳菲百本仍開圃，悵望千秋更借書。  
欵枕春明勞夢寐，故鄉如此好林廬。

鈔從館閣逮瞿曇，中麓儲藏比未堪。萬卷波瀾瀉瓶水，  
千峯結構到茆菴。裁書莫漫推池北，名士從來屬濟南。  
春雨欲催農事起，暮雲如畫點煙嵐。

四庫全書第一部繕錄告成正月廿一日奉貯

于

文淵閣

臣

以按理與觀陳設敬歌以紀

四庫四部編摩新十年秘帙承

絲綸特開高閣仿天一文淵文源溯與津仲春上日

御經幄賜茗閣下優儒臣文華主敬相次北方池匯鑑

淵寫神岩岩閣影矗雲漢萬檣櫛比羅青旻去冬繕書

初報歲雪晴春仲前一旬銅烏風定下照水金甌日麗

無纖塵簾卷欄迴靜如鏡籤排帛拭光流銀琅函鐫目

貯之櫝冊以櫝計參差勾三萬六千括象數二十八舍

環星辰

凡三萬六千冊六千一百餘函每架四層爲函四十有八

內以經部外子史

經緯表裏齊衡鈞芸香寶氣近

帝座四壁彝訓

敷言申

書積四壁皆御題四庫全書詩

義文字畫卽河洛範矚錫福

于下民線裝黃袱珍重捧字字倫叙綱紀陳魚魯常教

憶掃葉典謨豈止思書紳

臣

自去冬忝再入

方綱由編修授國子

司業例不得充按理其冬以洗馬復充茲歲

屈指癸歲交庚辛閣旁小松昔

新植已復茂綠承溫仁冉冉紅雲傍宿管管好鳥來

喧晨但給掃除亦榮幸何況登閣紬書人徘徊直房過

亭午紅牆柳拂波粼粼

王石谷仿燕文貴小幘三首

流派居然掃一空那須嘗熟源叟東破山寺句懷常尉

花逕松關又不同

放籬歸來月滿天  
慧車虹景倒前川  
空山獨立悟青綠  
攝入靜光三十年

每從拈悟永興書  
十卷清暉品尚疎  
烏目山頭酒瓶落

神光牛背定何如

子嘗言每見石谷真迹  
會虞伯施筆法亦以此定石谷畫真贋也

借鈔宋本李鴈湖注荆公詩  
是本東抱經六首

青松夾路碧嶙峋  
曾話三生捨宅因  
對鏡千絲搔白髮  
重教補注記庚寅

北使歸來老眼空  
墨煤臨汝弔春風  
峩峩峯萬卷凭高閣  
忽落浮嵐暖翠中

眉山老守臨邛客  
編輯初推薛肇明  
笑共鄱陽許尹例

吾齋雙璧抵連城

任注山谷詩舊時抄本刻本皆無許序予前年始抄得之

楚騷杜句發揮多新本刪來可奈何大滌題名論舊事

城東尚恐失搜羅

雁湖注附諸詩屬樊榭宋詩紀事頗有未採者

蘇齋日日篆烟香任史籤同弄注黃擬並君家說文序

重開小楷仿歐陽

世所行說文五音本即雁湖之父巽巖序者今刻本刪其序

故人手札廿三年師友勤劬感後先

予所藏李注刻本是已非春朱東江

前輩所贈其手題尚在卷前也見杭堇浦集始知此宋槧足本在杭因訪求數年今始得之

今日杭州數耆宿遺聞道古儻同編

初

### 書扇贈任幼植葬親歸興化

水泮春舟憶荻芽一襟冷淚浩天涯晨羞遠道追前夢  
夕禮旁通更幾家養志小園風漸暖寫經老屋月初斜

贈行素扇空江影照取孤情比白華

芝山爲予畫趙子固蘭亭真意三首

我去王孫五百載王孫去晉又千春如何風雨摩挲夜  
相對依依似故人

一帆何處載秋還秋在空江落木間咫尺蒼茫隔煙雨  
須知不是畫昇山

桂君別後初成榻宋子重來爲補圖蘭竹水仙同一悟  
歲深霜雪滿江湖

得李雁湖注荆公詩足本因屬錢君摹荆公像

于卷前題此

渺然驢背秋毫頰神出鍾山古石頭黠黠空濛不傳意



綠窗明月倩誰收

元李紫篋葛蒲菴圖歌

并序

元機李吳子才卷丙一作子在葛蒲菴濠梁紫篋生李升爲圖  
并詩卷後題者十有七人當元末兵燹之餘而其子景  
長惓惓於是圖題者自至正丙申迨洪武戊申以十年  
之條歎卅載之緝徼於其子之得守是卷三致意焉  
安邑宋芝山見之骨董肆中將爲有力者得之芝山持  
來歎息欲予記其事俾昔人留連餘韻存於予集中意  
可感也前年予於蘇齋作坡翁生日新安朱蒼湄舍人  
以登州石葛蒲來供曾乞芝山畫於坡像卷後葛蒲於  
吾二人信有緣邪因併屬芝山摹此幀大意而錄昔人

佚事以並傳且俾同人載詠之乾隆壬寅春二月十九日

玉山芝雲粲金粟石髮珠英淨如沐芭蕉吹過石闌干  
菖蒲影散山窗綠屋三十年詩十年白雲窗寫紫萸篇  
九節山中不知老三生石上更論緣兩世延陵香一卷  
印摹長字看王冕菖蒲根如煮石栽菖蒲葉似雲濤篆  
四百載遇芝山生摩挲燕市不勝情看梅寫竹渾閒事  
携李濠梁宛舊盟清晨走索蘇齋記西來衣袂餘山翠  
山中又長菖蒲花研石一泓滄海意連年爲我畫菖蒲  
蘇齋息壤記得無祇添對榻懷人句不是橫江裂筍圖

題王雲泉畫

大癡淺絳層巒法都在隻東篋笥間法備如何兼氣至

曲欄倚遍夕陽山

王煙客摹前人名蹟爲冊曰吾取其法備氣至者

同益齋慕堂魚門書倉飯裕軒漫圃得和字

三五聯裾步屐過花風蒲扇候微和小亭蔭客如青笠  
素壁披雲有綠蕺隣舍影隨濃淡樹夕陽皺入淺深坡  
只應乞箇蒲團去分取幽香篆一窠

慕堂携坐上蒲團以歸

見慕堂和詩乃知忘却蒲團也再用前韻戲呈

### 裕軒慕堂

悟言陳迹訂重過繭紙風光逼永和且要詩情磨破衲  
故教花影上煙蕪帶圍傳舍嗤元子電掣機鋒笑老坡  
添入蒲團舊公案燕泥時點印香窠

二公舊有蒲團唱和句他日當編作

蒲團詩  
話云

唐銅魚符歌

陰款日潭州第一

騶男昨見符五虎潭州今見符一魚我聞佩符銀與玉  
亦分左右班相贖或三或五茲弗著所謂右一其然歟  
有唐符掌門下省皆承敕牒於尚書函封寫勅並鈐押  
以辨出納防詐徂竹使何年換銀菟武德疆場資耘鉏  
寸金左券作筦鑰千里響應馳軺車飛芻輓粟立徵召  
閒關重驛通象胥青龍朱雀次以亞交魚巡魚遞所儲  
鱗介之祥並元武不獨垂佩鏘鳴琚晉陽龍飛杖黃鉞  
隋宮六壘來玉輿羅川縣令儼梁裔岳州異鳥翔隼旗  
襄巫夏口軍四集三十六派湘流瀦潭州大開都督府

洞庭橫亘連荆舒北拱京畿二千里南通交廣三苗餘  
周旋復始始第一水剽犀兕山夔魑後來馬家表銅柱  
那復帶礪追盟初古戍城樓切暑麓牙旗壁壘環周陞  
沙邊弔古拾戰鏃茫茫野埃猶遺墟廉州曾記潘氏得  
同字宛爾陽文如一寸六分識黍尺周尺宋律非齟齬  
考古續圖定可補魚鱗活碧誰所漁當年折衝鎮守物  
今日研北憑嗟歎鎮書木簡差可代附緘雙鯉果有諸  
楷法蒼然輩歐褚四字已抵千魯瑱惜不摹入潭州帖  
却對臨汝增躊躇

汝帖有  
銅器字

再題裴雒峯觀蓮圖卷卽送之安慶二首

淶水酣歌十載前敢誇幕府倚紅蓮  
茶甌氣味渾如昨

行卷五 卷之四  
圖畫心期孰與傳風度香清蟬曳遠雨收池定鏡光圓  
鬢絲欄影匆匆悟且莫先叅對榻禪

觀山涼翠一襟同倚劔天涯早擊蒙西向迴車望河岳

初自晉來北來舊夢對姜馮謂星六魚山幾時茂叔遺聞訪此去

匡廬問訊通黃海丹臺元氣合皖峯青峭落杯中

幼堂招同魚門載軒穀人崇效寺看花用漁洋

詩韻二首

靜女林下風得處在蕭散嫣然一破笑香積流雲滿祇  
今棠紅褪憶昔棗花纂倩誰寫流光倪迂或范緩

日長對禪榻簷鐸響重林繁葉雖共賞幽意誰與尋借  
此晻靄窗試我跡跌心軍持井華水團蒲白氍襟靜觀

無今古夕霏半晴陰迴看亞欄角月倚西峯岑

同裕軒慕堂林汲遊城南王氏廢園四首

尚有坡陀逕緣谿三四亭酒帘招客醉麥壟向人青坐  
出諸花杪風來遠籟聽田家與僧舍渾不界畦町

覆盎城南路村村映綠楊花迷韋曲宅橋指斛斯莊雨  
洗菰根白泥牽荇蔓長行行方罫影穿破翠中央  
合抱千竿竹周遭萬柄荷畫欄斜日倚小艇亂雲過偶  
向迴汀憶題來斷藁多誰能裁匹絹寫出舊煙波

同遊追昨夢一瞬廿三年石瀨非垂釣蒲團漫話禪鬢  
絲春水照鞭影夕陽煙風皺衣襟起瓊瑋響萬泉

題昔緣帖二首并序

宋人贈南岳夢英詩三首其乘舟南去七絕是禮部侍郎叅知政事蘇易簡送英公二首之一也悟解真空七律是朝請大夫尚書司門郎中韓溥奉揚英公詩匠作也三事天衣七律是康州刺史知同州軍州事陳文顯喜英公相訪作也石刻於咸平元年正月三日其書似柳誠懸卽英書也後人有摹此三詩刻石題爲柳書者子兒時初學書輒臨寫焉子室韓宜人幼習書史亦從是帖始宜人來歸子已年逾二十相與追惟幼學適相印合竊訝天假之墨緣也而其帖失去久矣今又三十年吾二人年皆五十子始得見此石真本知爲夢英仿柳書追念疇昔之事裝爲此冊以其中間有昔緣二字



題之曰昔緣帖以供宜人晴窗展翫恍如兒時風味焉  
嗟乎予家寒素無片紙之儲歲庚申于甫八歲一日先  
母往外家携此帖歸予啓齒欣然自此始知臨書今積  
金石文至於二千卷而獨惓惓於此者不忘舊物也附  
系二詩題於帖尾時乾隆四十七年春三月望後一日  
四十年前紙墨香依稀人在舊書堂街南矮屋三冬晷  
城北高齋六月涼猶記椿萱同訓課於今兒女愛文章  
錦囊玉軸初何有一樣芸籤不改裝

先君最嗜魯公書法乳同推柳起居玉筋夢吞三畫始  
金簾報食萬籤餘外家梨栗非徒憶內景耕耘敢自疏  
竟有邕碑酬息壤黃庭迴證舊盟初

前年得化度寺碑  
宋拓本有雍正庚

戊癸丑諸跋予生癸丑宜人生庚戌而由化  
度碑以入黃庭則予幼時學書之風志云爾

張又顛寄意圖

書劍壺觴未是奇墨禪一榻氣淋漓孤雲正在高樓角  
試寫南陵水面詩

同裕軒林汲瘦同小正芝山訪李笠翁所葺園  
亭歸飯裕軒漫圃三首時瘦同小正將出都

溝折郭西偏孤亭一笠圓花飄三月尾樹古百年前豈

理餘皴染歌聲罷管絃誰鏤八分字石勢似張然池上分書

掬月二字

葺屋翻芟木新椽異舊陰能來評與曠幾箇共苔岑等  
是幽棲味相看道氣深蓄道兼抱甃冷淡乃知音

地記五亭居人懷四雨廬須知夢煙水不是狎樵漁食  
力自澆圃此鄰聞讀書此盟誰果副慙媿摘園蔬